

294 11/p  
DISSERTATIO INAUGURALIS MEDICA,  
DE  
**MORBORUM**  
**CONSENSU,**

QUAM  
RECTORE MAGNIFICENTISSIMO,  
SERENISSIMO PRINCIPE AC DOMINO,  
**DOMINO CAROLO,**  
BORUSSIÆ PRINCIPE, MARCHIONE BRAN-  
DENBURG. CETERA,

GRATIOSO FACULTATIS MEDICÆ CONSENSU,  
PRÆSIDE,  
**DN. MICHAELE ALBERTI,**  
MED. DOCT. ET PROFESSORE PUBLICO ORDI-  
NARIO, PHILOSOPH. NATURAL. EXTRAORDINARIO,  
ACADEM. NATUR. CURIOS. COLLEGA,  
FACULTATIS MEDICÆ b. t. DECANO SPECTATISSIMO,  
DN. PATRONO, PRÆCEPTORE ET PROMOTORE  
SUO OMNI HONORIS CULTU PROSEQUENDO,

**PRO GRADU DOCTORIS,**  
Summisque in arte Medica Honoribus, Insignibus, ac Privilegiis  
More Majorum Solenni Obtinendis,

Ad d. Decembr. MDCCXVI. horis ante & pomeridianis,  
Publicæ Eruditorum ventilationi submittit,

**JOHANNES JACOBUS Worch.**  
Berol. March.







## PROOEMIUM.



**B**omni ferme tempo-

re, quo salutaris illa ars, vitæ & san-  
tatis humanæ emolumento inten-  
ta & inclaruit & magis magisque  
innotuit, dignum sane, quid quod  
necessarium opus fuit, quo opini-  
ones a Scientia, conjecturæ a verita-

te, & præsumptiones a certitudine sollicitè & accurate  
discernantur, ut eo magis ipsa illa sacra Medicina, cujus  
autor benignissimus Deus est, a vulgatis opprobriis re-  
purgetur, & quantum a conjecturis aliena sit, aut quous-  
que a nudis præsumtionibus abstineat, commendetur &  
vindicaretur. Quare opiniones ingenuus medicorum  
Antistes *Hippocrates* passim & inter alia in *Libr. de dec. orn.*  
reprehendit, atque expressis verbis profitetur, quod opi-  
nio maxime in Medicina in crimen vertatur, eam adhibenti-  
bus, & his qui ea in se usi sunt, perniciem afferat adeoque in  
*Libr. IV. de morbis* ad refellendas opiniones multis argu-  
mentis opus esse indicat, quanquam *Cicero* spem faciat, quod  
dies opinionum commenta deleat. Provocant itaque inge-  
nui Hippocraticæ dexteritatis & prudentiæ imitatores.



ad solidas, simplices & luculentas demonstrationes, proinde etiam ab imaginatione & credulitate assidue dehortantur, ne dicta & facta, dissonent & dissentiant, *nam putare quidem non autem facere ignorantia & anæxvins sive artis deficientis signum est*, dicit laudatus senex, *loco cit.* Et quanquam solidæ atque fidæ demonstrationes, non possint non, quin alicujus disciplinæ & artis veritatem & certitudinem comprobent, requiritur tamen in ipsis illis demonstrationibus vera connexio, ut res & causæ, deinde causæ & tractationes bene conspirent, adeoque ratio & experientia se invicem tueatur, illustret & confirmet: quod desiderium non ad ornamentum, sed ad essentiam artis medicæ spectat, quo odiosæ opiniones & suspectæ conjecturæ magis evitentur. Loquimur de *Harmonia Theoriæ cum Praxi*, cum turpe & a dexteritate Medicinæ constanter avertendum, illud sit symbolum aliter sentire & aliter facere velle, unde recte *Seneca Ep. 20.* dixit: *quod maximum hoc sapientiæ & officium & indicium sit, ut verbis opera concordent*: quapropter ratio & experientia sibi invicem Cynosura sint, & in tali vinculo unita vi eo fortius sanitati humanæ promovendæ operam dent. Sed sane non omnes hoc verbum capiunt, dum multi adhuc ad solidam veritatem pertingere potuissent, ni se eo iam pertigisse credidissent, aut magnalia adhuc de se prædicent; ut proinde plurima turma & cohors laudi sibi ducere gestiat, quod veritates & infallibilitates possideat, & sicut securi & ad morem corrupti mundi viventes Christiani de fide sua non dubitant, ita etiam multi in nostro foro de veritatis possessione haud diffidunt aut hæsitant; sed quemadmodum vino vendibili non opus est hedera, ita medi-



medicina non indiget solenni præconio, quando hic *Nexus* inter *Theoriam* & *Praxin* clarus, planus & fidus est. Hæc nota, hic Character, fide dignæ artis Medicæ est: quæ connexio vero si deficit, quotiescunque etiam & quantumcunque veritates declamentur, non fieri aliter potest, quin bonus Theoreticus sit malus Practicus, aut Medicina sit artificium conjecturandi, certo & publico privilegio instructum, ut propterea expeditus & diffusus Hariolus, sit optimus Practicus, & loquax atque garrulus speculator optimus Theoreticus audiat. Permovit hoc dissidium inter *Praxin* & *Theoriam*, & damnum quod ex eodem emergit ac in negotium salvandæ & confirmandæ sanitatis redundat, Viros integros & ingenuos, quo huic defectui consulant, emendationem concilient, & *Consensum* inter utramque stabiliant: id ipsum vero quo eo facilius impetretur, cura adhibita fuit, quo res & causæ inter se bene conspirent, ita consensus Theoriæ in suo complexu, eo magis inserviet, pro obtinendo Theoriæ & Praxeos nexu. Utut vero veteres medici bene agnovissent, quod in medicina ejusmodi harmonia necessaria sit, condonandum tamen merito est eorum intentioni, quod curæ adhibitæ non ubique ad vota successerint: qui enim in arte nostra glaciem fregerunt, non omnia perspicere potuerunt, cum juxta *Hippocratis* effatum *ars longa & vita brevis* sit; quemadmodum defectus subsidiorum instrumentalium inter veteres, tantum impedit, quo minus suis ævis hunc nexum pertexerint; adeoque posteritati tantum reliquerunt, quo eorundem solertiam & celebritatem imitari queat. Laboraverunt iam suis temporibus *Hippocrates* & *Galenus* quo convenientiam



tiam in morborum causis inquirant & commendent, adeoque multum in bilis & pituitæ scrutinio & applicatione hæserunt, neque penitus frustra operam impenderunt, cum in eo laus ipsi merito tribuenda sit, quod affectus biliosos eorumque consensus & concursus satis accurate annotaverint: in quo specimine egregia industria antecesserunt viri laudati: & proficeret ulterius tum morborum in se spectatorum, tum causarum connexionem indigitasse. Dolendum vero etiam est, quod in adjuvando & illustrando hoc negotio interdum vires inversa methodo applicentur & consumantur, atque animus humanus tantum corporis & materialibus respectibus & conceptibus implicetur, cum tamen vitæ, sanitatis & morborum *formalis* ratio minime in nuda tali aut principali materiarum & materialium qualitatum alteratione consistat. Substituerunt itaque non pauci in illa opinione & persuasione quasi pro reliqua connexionem in Arte Medica adjuvanda & adumbranda *partium* humani corporis *consensus* inquiri & commonstrari debeat, unde studium circa consensum partium occupabatur, quæ connexio post hac cum diversis physicis & mechanicis suppositionibus, theorematibus, aut plane paralogismis complicabatur, & ex eodem fundamento corpus humanum, ut nudum avtomatum, sistebatur. Et licet *Plinius* hunc *partium consensum Collegium Naturæ* appellare sueverit, promeruisset tamen, quo societas illa, qua partes utuntur, paulo magis perspicue ad statum vitalitatis applicata fuisset, in quo nimium quantum illæ amplissimæ necessitates & possibilitates physicæ aut analogiæ inter Motus Macrocosmicos & Microcosmicos, crinibus plurimum contractæ & congestæ, claudicare conspiciuntur. Fere similia fata subiit

dif-



diffusa & operosa illa sententia de Consensu generis nervosi edifferens, quæ, licet fatis cognita & agnita sit, quantum theoreticæ veritati medicæ promovendæ subseruiat, multiplicia documenta comprobant, & tantum indignant, quam sæpe sine ulla solida demonstratione, hæc assertio refugium quoddam in angustiis theoreticis constituat, cum consensus ille suppositus nervorum, nimis spatiosus, diffusus & universalis existat. Non animus nobis est in ejusmodi diversis disquisitionibus placita personarum reprehendere, quod conamen a nobis longissime absit, illa modo animis nostris inhæret cura, quo cooperemur, ad promovendam veritatem in *Nexu Theoriæ & Praxeos* Medicæ; & dum indicato modo hæc consensio certitudinem artis eo magis suffulcit atque erigit, ita propositum nostrum fuit specialiori quadam tractatione hanc connexionem commonstrare. Concurrit huc præfens occasio, qua aditus panditur, ut Inaugurali hoc specimine **MORBORUM CONSENSUM** explicemus & demonstremus, quo Pathologiæ vere medicæ pro virium nostrarum, quas gratia divina concessit, modulo & tenuitate, ejusque commodo, in tantum operam nostram & studium adhibeamus, ne speciales morborum deductiones per tot discretos sensus & respectus trahantur & lacerentur, sed prompta atque compta cohæsiōe & dependentia perspicua gaudeant. Annuat itaque, uti supplices & devoto animo rogamus, proposito nostro Benignissimus Deus, atque opellas & meditationes nostras ita dirigat, quo veritatem medicam augeant foveantque, gloriam vero omnium veritatum fonti persolvant æternam.



§. I.

**D**Um *Morborum* dependentiam & *Consensum* expone-  
re laboramus, ante omnia nobis incumbit, quo clarius  
significemus, quid per consensum talem intelligamus, ut re-  
liqua deductio utilitatem suam eo magis manifeste compro-  
bet. Non quidem hoc loco advertimus *generalem* illam di-  
stributionem morborum, qua vulgo *quantitatis*, *qualitatis*  
& *motuum* vitia explicari solent, ita ut certus numerus mor-  
borum circa considerationem quantitatis, ingens etiam nu-  
merus circa observationem qualitatis cohæreat, cum non æ-  
que intendamus per has classes tantum connexiones illas  
commonstrare; neque cogitamus hanc *harmoniam* inter  
morbos ex *consensu* sive luculentiori sive obscuriori corporis  
& *partium* integrantium recensere, uti v. g. *Cacochymia* &  
*lymphæ* spissitudo cum tumoribus glandularum, aut *uvulæ*  
prolongatio, cum nodis in carpo juxta *Hannemannum A. N. C. Dec. II. Ann. V. obs. 127.* connectit, unde secundum *Ron-*  
*deletium Meth. cur. Morb. Libr. 2. cap. 4.* tonsillarum inflam-  
matio per frictionem in carpo curanda commendatur, quo  
spectant animadversiones circa idem negotium common-  
strandi consensus partium & morborum institutæ *Hieron.*  
*Cardani in Metescopia Lib. 13. Melampodis in divinatione ex*  
*nævis corporis. Ludovic. Septalii Tr. de nævis A. N. C. Dec. I.*  
*Anno. I. obs. 20. Dec. II. An. 2. obs. 56. Anno III. obs. 50. de cura re-*  
*laxatæ uvulæ Sachsi a Lowenheimb. Sigismund. Elsholzii in*  
*Anthropometria &c.* Conferatur *Bausnerus de Consensu par-*  
*tium humani corporis, Lygæus de humani corporis harmonia;*  
neque laborabimus ex *suppositionibus* aut præmissis theoreti-  
cis eundem consensum commendare, cum potius harmonia  
illa *ex se ipsa* & morborum *indole* inclarescere debeat, ut  
nullis præceptis aut vinculis qualitercunque conquisitis o-  
pus sit; neque animus est in *generalioribus* quibusdam cau-  
sis promiscuè sæpe ad morbos applicari solitis, qualis impri-  
mis



mis in Pathologia illa suspecta muriatica & falsa occurrere solet, hanc convenientiam investigare & commonstrare, nedum in aliis æquivocationibus hoc negotium inquirere, sed potius ipsam *simplicem* & genuinam morborum *indolem* Cynosuræ instar adhibere, quo hunc consensum indicemus & deprædicemus.

## II.

Dicitur itaque nobis *Morborum Consensus* illa *evidens* atque constans morborum dependentia & *propagatio* è specie in speciem, maxime quoad *finis*, aut necessarios exitus conspirans, quanquam in diversa *schematum*, *successuum*, *methodorum*, *motuum* & *graduum* mutatione consistens: hæc dependentia vero in tali consensu ita demonstrari potest atque debet, ut magnus morborum numerus in *unum centrum* confluat, & ex eodem profluat aut generetur, ita, ut si hoc centrum recte constet, non modo eorundem morborum vera *indoles* recte innotescat, sed & *medica* illorum tractatio bene *consonet*, atque ab omni confusione, incertitudine, inconstantia, temeritate, timiditate, conjectura, opinione & cœcæ fortunæ confidente & inhærente successu purge-  
tur & liberetur, quippe qui usus ex hac notitia emergens ingens sane & celebris est: loquimur itaque de tali *consanguinitate* ægrotationum, quæ quoad respectus *finales*, quo vel collineant vel retrospiciunt, perspicua, solida & simplex, proptereaque in therapia multa fide, ingenua fiducia & quolibet studio imitanda est: adeoque hæc cognitio pro suo certo, perpetuo & firmo tutore *Rationem* & *Experientiam* agnoscit: fugit vero atque averfatur opiniones, & quaslibet vanas aut nihil cohærentes atque contradictorias speculationes & allegorias, vel contortas, confusas & coactas conclusiones: inter alia requisita *Consensus* ille sese *simplicitate* commendat, ut luculenta commonstratione & demonstratione unum ex altero fluat, & tantum animus ad effectus, successus & eventus applicandus sit, quæ sunt infallibilia & certa quædam documenta, quæ in dubium vocari haud possunt:



sunt: involvunt propterea consensus illi tum *simplices* ipsorum morborum *progressus*, tum diversos concursus *accidentales* & individuales, prout videlicet cum primitiis talium ægrotationum aliæ causæ sive externæ sive internæ concurrunt, & simpliciiori alicujus morbi statui conjunguntur: quare etiam tantum utilitatis hujus consensus notitia confert, ut sub morborum *consequentium* & per *ætates* variantium disquisitione mox *prægressi* morbi horumque genuinæ atque veræ *causæ* innotescant, sicque totum perpessarum morbidarum afflictionum systema vero, certo atque firmo nitatur fundamento: quale emolumentum conjecturis medicis multum & efficax damnum dat sive derogat.

III.

Quando vero eminentem & notatu maxime dignum consensum talem inter morbos indicare in nos suscipimus, minime conveniet hoc propositum atque negotium ultra scopum aut mentem nostram aut supra ejusdem circumstantiæ conditionem extendere, neque rigoroſe urgere, atque desiderare, *omnium* quotquot etiam in schola Medica ferme innotuerunt, morborum convenientiam ex uno fonte haurire & deducere, cum suffecerit *numerosorum* morborum cohaſionem indigitasse, ut propterea declaratio nostra, quod videlicet inter morbos *consensus* detur, in dubitationem adduci nequeat, quia non omnes & singuli morbi connectunt, cum causarum inveniatur multitudo & variatio, hoc enim esset plus ab aliquo urgere, quam unquam promissum fuerat: sicuti similiter frustraneum conamen esset, si talis morborum *causa* indicatur & explicatur, ex qua *longe numerosiores* morbi profluunt, quam ab *ulla alia* in tota ætiologia expectari forte posset, hanc *infirmam* aut minus dignam æstimare velle, quia dantur alii morbi, qui ab illa causa non dependent: quapropter animus noster eo redit ut *Specimen* de morborum consensu sistamus, & brevibus significemus, quantam utilitatem hæc cognitio in artem medicam transferat: & quando de morbis agere constituimus, tanquam

de



de subiecto hujus consensus, minime affectus *rarissimos*, *obscuros* & valde intricatos selegimus, sed ut hæc explicatio magis digna & fida sit, de *simplicioribus*, frequentioribus magisque cognitis, plurima ex parte sermonem instituemus & commonstrabimus quam frequentem, magnum & multum usum hæc notitia habeat in Medicina, ne forte hæc animadversio, pronudè theoretica aut speculativa habeatur, licet genuinus hujus consensus character è nulla opinione & speculatione, sed è phœnomenis sive specie facti, id est *Historia* ipsa proxime, directè & perspicue fluat: nihil enim magis veritatem medicam impedit & obfuscatur, quam argumentatio a *posse ad esse*, cum potius omni occasione præferri mereantur, illa quæ *solent* fieri, præ reliquis, quæ in nuda *possibilitate* consistunt: eapropter hoc loco non immorabimur morbis illis *possibilibus* recensendis, quales inter alios sunt *frequentes* obstructions vasculorum sanguiferorum tum capillarium tum aliorum, stimulationes & tormenta punctoria generis nervosi &c.: & valet hic ex parte quod *Hippocrates* dixit *Lib. de Arte*: *absurdum est, quod non est, esse putare &c.*

§. IV.

Neque quidem necessarium esse existimamus, ut pleniori explicatione significemus, quid per *Morbos* intelligamus, cum quilibet talis status ab *ordine sanitatis* declinans vulgato & simplici sensu morbus nuncupetur; quanquam propterea non asseramus, quod quilibet morbus *absolutè* & simpliciter perniciosus & *morsiferus* sit, aut quod *alterate* commotiones promiscuè turbulentæ, confusæ & *præternaturales* existant; cum copiosorum morborum *formalis* constitutio evidentem *salubritatem* contineat, ut per morbos tales affecti homines salvari & periculis mortis educi debeant, testimonio *Februm*, *Hæmorrhagarum*, plurimorum *spasmodum*, *Inflammationum*, *alvi fluxuum*, tam serosorum, quam biliosorum, *Congestionum*, *Rheumaticorum* affectuum similiumque, quos singulos morbos ab illa triviali injuria pur-



gamus, quasi ex se & *per se* hominem interimant, cum inter alias solidas & aureas demonstrationes *Illustris D. D. Stabli- us Febrem per se non lethiferam* esse sufficienter exposuerit, ita ut hoc loco non necessarium esse reputemus, quo illas infirmas obrectationes declinemus & excutiamus, quod febris salutaris esse nequeat, cur? quia homines febribus, uti formula audit, moriuntur, aut quia homines infirmantur, dolent, ægrotant &c. dum salubritas minime ex hisce circumstantiis petitur & urgetur, sed singula hæc *confectaria*, imo accidentia, a *formali* ratione & destinatione prudenter discerni debent: unde spasmi, inflammationes, ardores, dolores, cruciatus &c. *abstractiori* sensu aut in comparatione cum sanitate nihil bonum constituunt; Si vero *causa* spasmorum & inflammationum præsto est, tunc salubritatem suam affectus tales evidenti documento comprobant: in qua morborum consideratione præcurrens *genericus consensus* illucescit, quod nimirum *multi* morbi, sint necessarium, utile & *proportionatum* medium & adminiculum pro recuperanda *sanitate* & integritate amissa: de qua ipsa re quidem hoc loco ex instituto agere animus non est, interim brevibus hoc exemplar pensitationi commendamus: si pars suppuratur, dolet, ex parte etiam rubet, ad motus voluntarios inhabilis est, aut tensionibus aut pruritis afficitur, quale quid in sensu abstracto, bonum non est, si vero alicui parti vulnus inflictum fuit, sane hoc non reparabitur ni quoddam hujus phænomeni concurrat, quod respectum deinde habet ad complicatam salubritatem obtentæ restitutionis.

§. V.

Extendit proinde sese hujus disquisitionis de *Consensu* morborum *utilitas*, non modo in verum intellectum eorundem affectuum, quatenus simpliciter decurrunt, aut in quantum ipsi illi morbi *primitivi* & simplices sunt, sed & in quantum *symptomaticæ* & secundario occurrunt, & aliis afflictionibus, quæ cum iisdem morbis quoad *primarium* scopum non directe cohærent, *superveniunt*; quando v. g. hæmor-  
rha-



rhagiæ, aut molimina hæmorrhagica, acerbiores congestiones in febribus acutis, cholericis, malignis, occurrunt, ubi nulla necessitas cogit, quo nova causa fingatur, quæ ut plurimum cum indole febris nihil conspirat, sed suppeditat hic consensus morborum, in simplici suo fundamento agnitus, satis luculentam causam & cognitionem ejusmodi insoliti accidentis aut symptomatis: simile exemplar est, quando cum affectibus catarrhalibus, intensiores congestiones vel rheumatici insultus concurrunt, aut quando post suppressiones evacuationum *sanguinearum* affectus & effectus *ulcerosi*, *scirrholi*, *serpiginosi* oriuntur, qualium successuum vel concursuum rationales deductiones interdum misere torquentur, & posthac neque cum ipso statu ægrotationis, neque cum subordinanda therapia conveniunt: superat vero ejusmodi difficultates præsentis, quem commendamus, *Consensus* simplicior cognitio: & quemadmodum in pathologia medica, singulare hoc est desiderium quo *symptomata* cum reliquo morbi *statu* recte connectantur, siue illa sint *essentialia*, siue *accidentalia*, ita ipsa illa consensus morborum notitia sufficiens & conveniens subsidium est, quo huic desiderio satisfiat: quid quod denique indicandum est, quomodo hic consensus nihilominus *inter morbos* adsit, quamquam ex certa specie eventus evidens *disensus* emineat, sicuti forte durum dictu videri posset, de quibusdam *serosarum* excretionum speciebus asserere & asseverare velle, quod cum *hæmorrhagiis* conspirent, aut de veris & perfectis *atoniis* seu defectivis motuum vitiis statuere, quod cum prægressis motuum *excessibus* consentiant, v. g. quando Paralysis, Apoplexia aut suffocativus Catarrhus, e podagra, moribus hæmorrhoidalibus aliis retropulsis evidenti quadam consequentia oritur: quæ *contrarietas* quoad eventum occursans, forte ad quorundam opinionem dissensum morborum evincere & deberet & quoad antenus posset.

§. VI.

Ast ne diutius ejusmodi præparationibus ad propositum



cum collineantibus sive generalioribus explicationibus atque commemorationibus prædicatorum immoremur, edisferimus de hoc Consensu quod per *totum* vitæ tractum decurrat; quemadmodum enim juxta *Hippocratis* dignissimam observationem morbi *per ætates* variant, neque confuse & promiscue corripunt, ita ex hac annotatione aliquo modo colligere licet, quod morbi, dum se invicem ita *consequuntur*, neque usitatus se invicem præcurrunt, aut inter se confuse decurrunt, aliquam conspirationem habere debeant: deinde ex hac *ordinata* morborum *consecutione* elucescit, quomodo plures *periodi* ad easdem morbos requirantur, quæ a primis annis ad & in senectutem progrediuntur, ut adeo hæc consecutio morborum per ætates decurrens hunc morborum consensum per totam vitam humanam perpendendum & annotandum commendet, quippe quæ propterea *generalis* morborum *harmonia* existit: sed dum præterea laudatus Senex plures morbos in qualibet ætatis periodo recensuit, uti inter alia *Sec. 3. aph. 29.* juvenibus *hæmptysin* & *phthisin* familiarem esse allegat, & *Sec. 8. aph. 7.* annos exprimit, quos phthisis corripere solet *conf. Celsus Lib. 2. cap. 1.* ita adhuc *specialiorem* morborum consensum in qualibet ætate occurrentem observamus & commendamus, quo deinde cognita vera hujus connexionis causa, medica horum morborum tractatio *rationabilior* & efficacior sit: quam celebrem prisce solertiæ observationem peculiari cura exquisite illustravit & commendavit *Celeberrimus Stahlus Diss. De Fundamentis morborum ætatum*: & quemadmodum per totum vitæ decursum atque terminum, nec non per singulares periodos ætatum obtingentes morbi certis *excretionum* speciebus sese definientes conspirant, ita etiam *reliqui* sine crassis evacuationibus exeuntes affectus suum consensum tumentur atque possident, quod imprimis circa Historiam hujus consensus recte comprehendendam atque texendam notandum est, ne videantur morbi illi, qui per ætates quoad *species* discrepant & variant ex confusis causis ortum suum



capessere & *turbulenter* irruere, aut ne supponantur rationes imaginariæ omni solida demonstratione cassæ.

§. VII.

Præter hanc ætatis conciliationem datur etiam *Morborum Consensus* in diversis *Temperamentis* & quidem iterum vel *generalis* vel *specialis*: prior respicit illos morbos, qui inter temperamenta *communes* existunt, velut excretionum ordinariarum perturbationes, sive sudoris sive alvinæ liberationis, aut evacuationum sangvinearum impedimenta, vel motuum hæmorrhagicorum anomalias: posterior attinet illos morbos, qui certo temperamento *proprii* sunt, qui proinde haud *tumultuarie* corpus pervadunt, sed ex certa ratione & *origine* propendentes, in futuris suis variationibus & quandoque contingentibus *metaschematismis* ad priorem originem respicientibus, cohærent; utut vero ejusmodi morbi temperamenti suis *genuini* existant, tamen cum modo indicata circumstantia ætatis conveniunt, quando insuper per ætates quoad species aut acerbiores gradus variant, attamen inter se harmoniam luculentam servant: & quam ejusmodi morbi quoad corporis *regiones*, quas diversimode invadunt, dissentire & discrepare videantur, deprehenditur tamen consensus horum morborum in *formali* ratione, & simplici indole aut *finali* etiam respectu: sicuti v. g. in subjectis *Melancholici* temperamenti affectus gravedinosi, vertiginosi, cephalalgici obtusiores, & oppletorii, tinnitus aurium, palpitationes cordis futuræ, cardialgiæ, oppressiones præcordiorum, affectus ventriculi, vitia concoctionis, molesti ructus, flatulentix anotericæ, hypochondriorum dolores, affectus exquisite hypochondriaci, splenetici, hepatici, flatulentix præclusæ, scirrhi viscerum, obstructions alvi contumaces, vitia Urinæ, afflictiones hæmorrhoidales, tenesmi, contracturæ & ariduræ artuum, affectus paralytici, hectica &c. *inter se* firmam atque solidam communionem habent servantque, & quidem in quantum hi affectus *melancholicis* frequentiores esse dijudicantur: ut ita necesse haud sit,



fit, quo pro quolibet horum morborum nova pathologia inveniat, fingatur & obtrudatur: & hæc consideratio commode & cum multa utilitate ad reliqua temperamenta applicari potest imo etiam debet: suffecerit hujus circumstantiæ hac vice mentionem iniecisse.

§. VIII.

Occurrit porro singularis & notabilis *Morborum Consensus* in diverso hominum *Sexu*: quanquam enim morbi secundum diversitatem sexus quadantenus *variare* solent, tamen in quolibet, cui competunt, Sexu, suam *harmoniam* servant, unde in *masculis* hæmorrhagiæ narium, phrenisis, hæmoptysis cum suis apparatus, inflammationes pectoris, nephritis, Urinæ vitia, motus hæmorrhoidales, affectus lumbares, podagrici & alii, inter se non dissentiunt, uti in *femellis* affectus cum *mensium* negotio cohærentes, incommoda ventriculi & præcordiorum, effectus spasmodici per mesenterium vagantes, torminosi flatulenti, affectus asthmatici, cardialgici, cephalalgici, hysterici, quid quod affectus illi specialissimi ex imprægnatione, puerperio & lactatione desultantes simili consensu satis plano & fido nituntur: & confirmat sane simplex, ingenua & attenta experientia, quantum utilitatis conferat hujus consensus notitia in fœminarum morbis recte comprehendendis, dijudicandis & tractandis, & quantum præservet eadem, ne in vanas illas *suppositiones* de horrida uteri *intemperie* & *virulentia* prolabamur, ex quibus facile iniquum illud iudicium de sequiori sexu fluit, quasi *venenosus* sit, uti non modo tales fabulæ decantantur in confusa illa atque veterum placitis consona uteri accusatione, sed & in sanguinis menstrui, juxta paulo recentiorum opiniones, culpatione cui tot effectus perniciosi adscribuntur, ex quibus etiam illum notamus, quando variolarum & morbillorum genealogia, gratis tamen, ex eodem sanguine menstruo ducitur & supponitur: uti infirmitatem hujus sententiæ designant *Mercurialis de Morb. Puer. Lib. 1. cap. 2. Stahlius Diff. De Variolis & Morbillis: De Hætica abscessuum*  
in-



*internorum comite: conf. Zac. Lusit. de M.P. H. Lib. II. Hist. 3. Hæchstetterus Dec. I. Cas. 9. & Bartholinus in Cista medica* omiſſis pluribus testimoniis: ita commonſtravit D.D. *Præſes* nuperrime editis *Dissertationibus De Anomaliis mensium in genere, & Anomaliis mensium convulsivis* hunc necessarium consensum morbidarum afflictionum in sequiori sexu, & excussit reliquos vel contradictorios vel superstitiosos, effectos vel non ingenue applicatos conceptus de ejusmodi morbis, tanquam in specimine, quo dignitas atque utilitas hujus combinationis morborum magis pateat: quo magis itaque foëminarum morbi intricati videntur, eo major solertia requiritur circa eorundem veram & fidam enodationem, ne in materialibus solum chimæris animus hæreat, & suppositiones suppositionibus accumulet, & nescias quot ac quantas virulentias in corpore foëminarum fingat & superſtruat.

## §. IX.

Et dum morbi quidam cum evidentibus, interdum etiam *solennibus excretionibus* decurrunt, alii vero in *alteratis motibus* tantum consistunt & sine singularibus evacuationibus desinunt, atque ita quasi per essentiam *discrepare* comparent, minime tamen *absolute* sejungi debent *molimina* ad excretionem tendentia & pertinentia ab ipsis *evacuationibus*, quali cōnubio utriusque speciei morbi potiuntur, dum morbi quidā licet nunquā in aliquam certā evacuationis speciem *excurrerint*, tamen cum eadem conjuncti sunt, & ad eandem constanter adhuc *collimant*: sicuti varia in praxi medica occurrunt subjecta quæ *coxendicum doloribus* laborant, (quos ipse *Hippocrates Lib. II. Prorrhet.* cum *moliminibus hæmorrhæcis* & quidem pressius *hæmorrhoidalibus* conjungit, quorum etiam reminiscitur *Illustris Stablius in Progr. Historiam pathologicam affectuum cum Coxarum dolore symbolizantium Hippocraticam exhibente*) quæ nunquam fluxum hæmorrhoidalem experta sunt, licet in junioribus ætatibus frequentes *varium hæmorrhagias* subierint, ut ita coincidat, illud quod



Hippocrates l. c. dixit: *Fit autem hic morbus iis, quibus in pueritia & juventute sanguis è naribus fluere solitus desit; proinde interrogandum est de sanguinis eruptione, an in juventute facta fuerit. - - & quibus hæmorrhoides fiant.* edit. Lind. [S. 47. text 8 12. propterea tales spasmos ad hæmorrhoidalem ventilationem respicere, asseveramus, & cum negotio hæmorrhoidali arctum nexum sive consensum tueri, indicamus: simile exemplar occurrit in cruciatibus *podagricis*, qui ob id quandoque *negantur* esse molimen *hæmorrhoidale*, quia sæpe occurrunt *podagrici*, qui tamen *nunquam* fluxum hæmorrhoidalem perpeffi sunt: & licet hæmorrhoidalis eruptione *nunquam* contigerit aut successerit, illud tamen adhuc demonstrari debet, quod *motus* illi *podagrici* ad hanc eruptionem *plane non* tendant; nam hæc nulla est demonstratio: quia hæmorrhoides *nunquam* fluxerunt: quo ipso vero hoc loco indigitamus & præoccupamus ne morbi frivole *divellantur*, qui tamen *conjuncti* sunt, neve in diversitate *speciei* & *exitus* absolutus dissensus supponatur, cum *contentionis* excretoriæ cum *actualibus* eruptionibus & fluxibus ratione *formæ* & *scopi* optime consentiant.

§. X.

Nunc ordo postulabit ut *specialiori* studio hunc *Morborum Consensum* exhibeamus & significemus, atque in *specimine* quodam ulteriorem hujus observationis illustrationem, explicationem & applicationem commendemus: Est itaque corpus animale extreme *corruptibile* ob *mixtionem* suam perquam infirmam, quam infirmitatem conciliat *dissidium* inter principia constitutiva, *aquosa* & *pingvia*, quorum priora proximum motus *intestinali* fermentativi instrumentum materiale sunt, quæ à motu *aeris* extrinseco facile concitantur, & per illa primus impetus aut impulsus communicatur: *pingvia* vero principia ob *subtilitatem* suam hunc primum impulsu facile amplectuntur, & sub eodem intestino motu reliquæ mixtionis *divulsi*oni concitandæ inserviunt: hæc dissolutio sibi relicta constituit *putrefactio-*



*tionem*, quæ a statu & indole *vitalitatis* per essentiam *aliena* est, cū vita formaliter inferat *integritatē* corporis tam corruptibilis, & constantem *corruptionis* interceptionem atque *exclusionem*: dum vero hæc corruptio magis *fluidis* & simpliciter *mixtis*, quam solidis & quidem structis partibus imminet, ita officium vitale *primario* circa *fluida* conservanda occupatur; cum experientia doceat, quod quælibet corruptionis species solidis partibus ex corrumpentibus *fluidis* superveniat, & quod solidæ partes non ita citius corruptioni submittantur, si fluidæ substantiæ separantur, adeoque solidæ partes exsiccantur: inter singulos vero humores nullus citius & periculosius corruptioni subiacet, quam *Sanguis*, qui in facillimam cadaverosam putredinem præceps ruit, qualis putredo sese posthac repente per partes adhuc vivas dispergere & extendere, adeoque totum corpus intra brevissimum temporis ambitum putrefactioni & morti exponere solet, ut in tanta repentina & extrema calamitate circa *salvationem* corporis hic valeat quod *Hippocrates* *sect. 8. aph. 6.* dixit: *quæcunque non sanant medicamenta, ea ferrum sanat, quæ ferrum non sanat, ea ignis sanat; quæ ignis non sanat incurabilia putare oportet* adeoque in extirpanda & removenda tali corruptione *Ferro & Igne* opus est: eapropter itaque in negotio vitali maxima cura de *Sanguine* geritur, ne huic damnum quoddam accidat.

§. XI.

Quo magis ordinate & convenienter hoc fiat, *avertuntur* partim illa pericula quæ sanguini *communiter* imminet; partim etiam reliqua, quæ plane *extraordinaria* sunt; vulgo quidem sanguinem disponit ad corruptionem *spissitudo* & *coagulatio*, quæ ex eadem oritur, ne itaque sanguis solito spissior reddatur, confert, quo sufficienter, libere, *efficaciter* & constanter *circuletur*, hoc ut fiat expedit, quo convenienti *motuum gradu* instruatur, & quo *viæ*, quas penetrat, non nimium *oppleantur*: Utrumque requisitum offendit *superflua* sanguinis quantitas seu *plenitudo* quam veteres



*plethoram* vocarunt, hæc enim non modo majores & *validiores* vires sic dictas *motrices* postulat, & per consequens frequentiores *enervationes* causatur, sed & partes continentes magis *implet*, angustat atque onerat, iterumque per bonam consequentiam robur sic dictum partium, aut luculentius rem designando, tonum magis offendit; unde contingit, ut *enervatis* viribus & relaxatis atque *oppletis* partibus sanguis spissior & ad *coagulationem* quin proximam stagnationem & plenariam statim indeque ad *corruptionem* pronior reddatur; ex eo cum sana & simplici ratione apprime convenit, quo suspecta & *inutilis* sanguinis abundantia *removeatur*, tanto magis vero, quando per alias occasionales causas diversis commotionibus & *impulsibus* subjicitur, ut utrumque ex prædictis circumstantiis tam *virium vigor*, quam *partium robur* eo certius lædatur: quantacunque itaque hæc sit *plethoræ* conditio, ita insuper notandum est, quod accumulatio talis sanguinis valde *frequenter* occurrat, & in plurimis hominibus familiaris sit, cum plurimi homines *plus* appetitui indulgeant, & propterea plus ingerant & comedant, quam egerunt & consumunt; quod tanto evidentius in hominibus otiosæ & *sedentariæ* vitæ deditis elucescit; minime tamen eximimus reliquos homines in laboriosa & operosa vita subsistentibus, qui quantum in relatione ad sua officia alimentorum assumant, ipse conspectus testatur, ex quo colligere licet, quod nihilominus *plus* congerant & *ingerant*, quam æque *necesse* habent: unde experiri & observare licet quanto numero & quam frequenter gens rustica & homines opificarii tonstrinam & balnearium ingrediantur, quo Scarificationi aut Venæ Sectioni se submittant, qualem non modo sine nocumento sed & cum emolumento admittunt.

## XII.

Cum itaque sanguinis abundantia tot ac tantis periculorum & vitæ atque sanitati maxime inimicorum successuum effectibus fundamentum suppeditat, ita eandem ut *principalem & fundamentalem* numerosorum morborum cau-



causam salutamus, cum qua aliæ causæ non æquipollent, ratione usus solidi & nihil coacti pathologici tam *frequentis* ac *evidentis*: consentiunt vero cum *morbida* tali plethora *Hæmorrhagiæ* maxime *spontaneæ*, quarum ortus & successus neque *acrimonia* sanguinis, neque *ponderositate* ejusdem, neque confusa aut turbulenta *eructatione* & expressione nititur, sed finali & *salutari* respectu cum *plethora* cohæret: si enim plethora tantis *damnis* concitandis satisfacit, cum simplici & sanatione convenit, quin in œconomia vitali consultum & necessarium est, quo ad *præoccupanda* periculosa & repentina nocumenta, & advertendam corruptionem à corpore corruptibili, sanguis *superfluus* convenienti & sufficienti quantitate *depleatur*, quo vires & partes liberentur; unde è diversis corporis regionibus atque partibus eliminatur sanguis *sincerus*, & à reliqua massa essentialiter nihil discrepans, siquidem hæmorrhagiarum *salubritas* luculentis & eminentibus testimoniis in *Narium hæmorrhagiæ*, *Mensium* & *Hæmorrhoidum* fluxu, elucescit; haud vero propterea reliquas hæmorrhagiarum species, quæ prioribus imprimis *cessantibus* superveniunt & subserviunt, ita penitus excludimus, sed de Hæmoptysi, Vomitu Cruento, Mictu cruento, & Varicum manatione testamur & observamus, quod *generalis* horum fluxuum respectus & status similem salubritatem contineat, licet ob locorum sive *partium* qualemcunque indispositionem per *accidens* interdum *alii* eventus emergant, quam quidem præcedens *destinatio* infert; quanquam varia testimonia practica supersunt, quæ talium *secundariarum* hæmorrhagiarum *innoxium* & salutarem statum comprobant & commendant, velut de Vomitu Cruento *Bartholinus Hist. Anat. Cent. 3. hist. 36. Rhodius Cent. 2. obs. 64. Hoechstetterus Decad. 2. Cas. 5. Salmuth. Cent. 2. obs. 3. A. N. C. Dec. I. An. I. obs. 95. Cent. 1. p. 194. append.* Neque à reliquis Hæmorrhagiis, quæ vulgo *passivo* successui adscribuntur, quales sunt fluxus *Lochiorum*, hæmorrhagiæ post *abortum*, hæmorrhagiæ *vulnerum*, magnæ cruenta-



tiones *gingivarum*, sicco pede digredimur, sed de illis etiam afferimus, quod satis sæpe cum statu *plethorico* consentiant, dum in subjectis *plethoricis* *largius* succedunt, quod tamen ita absolute & quasi per *necessitatem* fieri non debet, cum etiam *parcius* progredi, quin plane *subsistere* & repente retineri queant, ut propterea concurrentem *activam* i. e. destinatam & certo *fini* competentem sanguinis eliminationem in quibusdam harum hæmorrhagiarum notandam & dijudicandam commendemus: minime vero hoc loco dignam æstimamus illam trivialem objectionem, *genericam* hæmorrhagiarum salubritatem impugnantem, quod homines hæmorrhagiis *expirare* conspiciantur, utpote quæ obiectio *respectus* in hæmorrhagiarum negotio tenendos crassius & crudius *confundit*.

### XIII.

Porro cum Plethora & Hæmorrhagiis consentiunt affectus *congestorii*, quorum magnus etiam numerus est, & quos haud facile aut solide ab obstructionibus deducere aut spasmis adscribere, aut à nervorum stimulationibus derivare licet: sunt vero tales congestiones, *copiosiores* sanguinis coacervationes ad diversas regiones & partes sive antehac ad hæmorrhagias applicatas, sive in *confiniis* locorum hæmorrhagicorum existentes, in quibus sensibiles distensiones & oppletiones, circa quas vero subtiles & sensibiles stricturæ & tensiones occurrunt: affirmamus vero de ejusmodi congestionibus, quod sint *molimina hæmorrhagica* ad imminuendum sanguinem *superfluum* & molestum, sive *presentem* sive *apparentem* & præsumtum directæ: eapropter etiam obtingunt ejusmodi congestiones subjectis *plethoricis*, imprimis vero *commota* plethora præditis, diversis talibus causis expositis, quæ sanguinem superfluum & *viribus* & *oeconomiae* reliquæ vitali *molestum* & odiosum reddunt, ut sunt multiplices animi commotiones *patheticæ*, vitia diætæ & regiminis; Porro eveniunt subjectis vel *hæmorrhagias* olim perpeffis, vel respectu reliquarum circumstantiarum

ad



ad easdem valde *proclivibus* : *levantur* vero congestiones tales , quando hæmorrhagiæ sufficienter & legitime imo tempestive exeunt aut *revertuntur* ; confirmantur & exacerbantur iterum, quo magis & diutius hæmorrhagiæ *subsistunt*, aut quo magis plethora *fovetur*, *augetur*, & *commovetur*, ita ut propter has & adhuc alias animadversiones ex ipsa sola atque *simplici* sua indole *congestorii* affectus cum hæmorrhagiis & *plethora* simplicius conspirent : quando itaque illi *motus*, qui hæmorrhagias prosequuntur, ad effectum suum non pertingunt, sed in sola *eluctatione* subsistunt, sanguinem quidem ad loca talia aut eorundem viciniam copiosius *affundunt*, sed non *effundunt*, tunc partes illæ à copioso sanguine distenduntur, & ex reliquo motuum augmento ad eundem finem ventilandi sanguinis tendente, dolores & sensationes, hisce affectibus competentes oriuntur : & quam actuales hæmorrhagias *congestorii* motus *solito* comitari soleant, tamen hi neque *intensius* & acerbius progrediuntur, neque suo *scopo* orbantur, quin potius obtento efficaci eventu facilius remittunt.

#### XIV.

Sistunt sese ejusmodi *congestorii* motus in diversis speciebus & speciminibus velut in *capite* per varias cephalalgicarum species, per afflictiones ophtalmicas, otalgicas, odontalgicas, per molestias cephalalgico vertiginosas, per dolores nuchæ & colli, quos vulgo catarrhis adscribunt, & nocturnis refrigerationibus adsignant, qui cum rhevmate conveniunt : annumeramus hisce, particulares rubores & exæstuationes faciei, nec non phlogoses, uti subjecta constant quæ post frequentium hæmorrhagiarum *narium* cessationem, ejusmodi periodicis & recurrentibus genarum ruboribus, intumescentiis, efflorescentiis & ardoribus subjiciuntur, ex qua animadversione obiter prominentem *consensum* varorum, Jonthorum & guttæ rosaceæ notamus & indicamus ; accedunt congestiones & oppressiones *pectoris* asthmaticum statum præsentantes, imprimis post *mensum* &



& *hæmorrhoidum* suppressionem, imminutionem, aut perturbationem suborientes: aut in subjectis sensibilibus & plethoricis pedum refrigerationes excipientes, vel Venæ Sectiones in brachio susceptas sub mensium aut hæmorrhoidum firma occlusione, intensius insequentes: accensemus congestiones ad *ventriculum, Splenem & Hepar*, cum vomitu cruento colludentes & hypochondriacis atque hysteri-  
cis pathematibus interdum sese conjungentes, & affectus cardialgicos, spleneticos, hepaticos, quin ipsius Ventriculi & conspirantis negotii circa appetitum & concoctionem occupati, qui sæpe satis male atoniæ ventriculi aut nervorum constrictioni, nescias quo referendæ, imputantur, & per remedia roborantia atque stomachica vel atoniæ qualitercunque dicata, graviter & κατ' ἀνθρώπων *exacerbantur*: spectant huc congestiones ad *Renes*, quæ præter internos dolores lumbares, adhuc diversis urinæ vitiis ansam præbent, maxime vero ardoribus, sed quæ satis sæpe *frustranea* speculatione calculosis actualibus schematibus annumerantur, & per illa remedia quæ vel magis vel minus calculo resistere deberent, *nihil* levantur, quin potius exacerbantur, per crassam æquivocam tractationem obruuntur & compescuntur: occurrunt etiam tales congestiones ad *intestina*, quæ tunc cum negotio *hæmorrhoidali* conspirant, & internis ardoribus, anotericis flatulentis, torsionibus, angoribus, alvi obstructionibus & doloribus internis multam ansam præbent: qualium internarum afflictionum ex hoc tamen *consensu* firmiter & ingenuè pendentium, causæ, satis sæpè, secundum communem causas conquirendi morem, scopis & rutabulis ex omnium refugiorum latebris corraduntur, ut nullus inde nexus emineat.

XV.

Con firmat harum *congestionum* consensum cum *hæmorrhagiis* & per has cum *plethora*, non infimæ dignitatis circumstantia illa, quæ ex ipsa genuina morborum *Historia* elucescit, quomodo videlicet congestiones quoad diversi-



tatem regionum & locorum quæ occupant, discrepent per  
*ætates*, neque confuse aut indiscretim quaslibet annorum  
periodos corripiant: & quemadmodum hæmorrhagiæ ca-  
pitis *pueritiæ* & adolescentiæ ætatem communiter invadunt,  
ita *congestiones* capitis familiariter in *hanc periodum* inci-  
dunt, qua nimirum primitias suas capeßere solent, licet  
dein in adultiores ætates progredi queant; & sicuti *pectoris*  
hæmorrhagiæ *juventutis* tempora ingrediuntur, ita conge-  
storix commotiones *pectus* invadentes *eandem* ætatem con-  
cernunt: quod de reliquis hæmorrhagiis & congestionibus  
tanquam moliminibus hæmorrhagicis valet: cujus conside-  
rationis fundamenta *Celeberrimus D. D. Stahlius in Disp. de*  
*Fundamentis morb. ætatum, de Decubitu Humorum & in Scia-*  
*graphia Pathologiæ* quin sparsim alibi sufficienter & solide  
exposuit; prout contra *hæmorrhagiæ* hisce ætatibus *succe-*  
*dentes*, congestiones prædictas *avertunt*, ne irruant, quin  
sæpe satis solvuntur & liberantur eadem congestiones, si *hæ-*  
*morrhagiæ* tales tempestivè *revertuntur*, uti in negotio hæ-  
morrhagiarum *Narium, Mensium & hæmorrhoidum* abun-  
de demonstrari posset: neque obliteranda erit illa observa-  
tio, quanto effectu atque fructu non modo *plethora* suspecta  
*imminui*, sed & *hæmorrhagiæ & congestoriæ* commotiones,  
certis ætatibus propriæ præoccupari, *mitigari* & coerceri  
queant, quando tempestivè *artificiales* sanguinis depletio-  
nes instituuntur, & sedulo, attamen *methodicè*, repetuntur;  
ex quo argumento denuo commonstramus veritatem hujus  
*consensus*, quem hoc loco notamus: qua occasione adhuc  
attentæ observationi commendamus, practicam illam cir-  
cumstantiam, quando motus aut fluxus *hæmorrhoidales*  
perturbatos vel repressos, affectus asthmatici, vertiginosi, aut  
eventus apoplectici excipiunt: id quod imprimis obtingit  
in subjectis, quibus in *junioribus* ætatibus sanguis è *naribus*  
copiosè & frequenter *fluere* suevit; quando itaque hujus hæ-  
morrhagiæ cessationem post aliquam temporis moram hæ-  
morrhoidales illi motus & apparatus exceperunt, qui qua-



litercunque cohibiti fuerant, tunc motus eo revertuntur, unde venerant, & è *superioribus* locis per congestoria molimina exitum quærunt, quorum *confectarium* dein prædicti affectus esse & fieri solent, qui perinde cum *Congestionibus*, *Hæmorrhagia* & *Plethora* consentiunt.

## XVI.

Quando vero sanguis ad certa loca *congeritur*, ut excernatur, evenit interdum ut ob copiam *seri* mucilaginosi fluidioris, massæ sanguineæ interagitati, sub iisdem congestionibus & diuturnioribus detentionibus sanguinis in certis regionibus, *secessiones* tales serosæ & mucilaginosæ ad diversas partes *glandulosas* & *cribrosas* superveniant, & *effusus serosi*, commotiones *sanguineas* excipiant, unde sic dicti affectus *catarrhales* cum *hæmorrhagiis* & *plethora* consensum suum tuentur: quo loco non advertimus vulgares illas & frigidas oblocutiones, è diversitate *eventuum* dissensum urgentes, quoniam indicato modo ratio fiendi, plana simplex & non coacta est: etenim si circa aliquam partem *diutius* detinetur, ut tam promte & *tempestive* haud *refluat*, contingit interea ut subtilior & *fluidior* illa substantia serosa in vicinas partes sese *separet*, & ex iisdem denique, ut seorsim collecta, excernatur: quanquam etiam eveniat, ut in hisce locis aliquo tempore obhærescens, denuo subtiliorem substantiam amittat, & posthac spissiore consistentiam induat, quæ nova humectatione & resolutione ad promptam excretionem opus habet: tali ratione cum congestionibus hæmorrhagiis & plethora consentiunt Coryza, Gravedo, Lippitudo, manationes ex auribus, tumores glandularum colli, Parotides, Tussis, Asthma humidum, Fluxus Hepaticus, excretiones mucilaginosæ hæmorrhoidales, & quæ sunt similes tales afflictiones, quarum causas sæpe satis frustra in nudis materiis peccantibus quærimus, cum culpa hujus consensus non in *materialibus* circumstantiis, sed in indole efficacia & connexionione *motus* hæreat: quo loco vero assidue reliquarum causarum maxime *impulsivarum* & *occasionalium* sive ab ex-



*ira* five ab *intra* provenientium concursus conciliandi sunt; sed quæ *impulsivæ* causæ posthac cum *antecedenti* & *formali* improvide sæpe confunduntur, quæ confusio mox ansam præbet, quo infelices illæ conclusiones formentur, ergo hi affectus ab obstructione aut nudo infarctu catharrhalium humorum, à debilitate partium five atonia, à stimulatione & acrimonia feri aut sanguinis pendent: pluribus hanc connexionem eventuum *serosorum* cum congestionibus *sanguineis* exposuit *Excell. D.D. Stablius Diff. de Secessionibus Humorum, & Decubitu Humorum.*

§. XVII.

Quod si vero in certis subjectis per qualemcunque causam sanguis spissior redditus fuerit, & congestiones tales in iisdem oriuntur, tunc contingit, ut loco *excretionum* sanguinearum, in diversis partibus *oppletiones*, infarctus, intumescentiæ, *stagnationes*, scirrhi, quin stases, *inflammationes*, *corruptiones*, five *ulcerosæ* five *sphacelosæ*, hecticæ &c. oriantur: unde cum præcedentibus congestoriis moliminibus consentiunt, infarctus capitis, & ex illo imprimis contumaciter & repente fiente, exiliorum Venarum dilacerationes, extravasationes sanguinis, affectus apoplectici, varicosæ vasorum sanguiferorum intumescentiæ, & concurrentes affectus vertiginosi & soporosi, pulmonum obsessiones, scirrhi, vomica, phthisis, polypi cordis, & quæ propter sanguinis spissitudinem & multitudinem suscipitur, palpitatio cordis, angustiae præcordiales, cardialgiæ, scirrhi hepatis & splenis, affectus hypochondriaci aliique varii morbi, quorum consensum cum plethora hæmorrhagiis & motibus hæmorrhagicis merito annotamus & commendamus: ex quo postea colligere licet, quomodo iusto tempore & debito ordine institutæ *artificiales* sanguinis ventilationes hisce affectibus convenient & proficiant, ut opus haud sit, ad alias scrupulosas & intricatas causas confugiendi, aut confuse de iisdem morbis differendi: sed dum hæc de morborum consensu notamus, *minime* adstruimus quasi multi prædicto-



rum morborum cum *nulla alia* causa consentire pōs-  
sint, & pro diversitate *occasionum* etiam soleant, cum  
tantum hoc loco significemus, quantus morborum *con-*  
*sensus* ex *una causa* profluere soleat, & quomodo  
ex illa fundamentali causa & consensu illo morbi tales *legiti-*  
*me* tractari debeant; & ita in præsenti consideratione *sine*  
molimine hæmorrhagico *spissior* sanguis ex aliis causis ad in-  
ferendas suspectas oppletiones, stagnationes & stases dispo-  
nere solet, licet *congestiones* illæ aut contentiones hæmor-  
rhagicæ *sæpius* quam alia causa quælibet in sua specie ad e-  
osdem contribuant: unde illas vulgares deprædicationes ob-  
structionum nude *passivarum* & subordinandarum simplici-  
um resolutionum & reserationum præoccupamus, quæ quan-  
tum communiter sine prioris respectus combinatione vale-  
ant, nimirum, qua fortuna *sine ventilatione* sanguinis succe-  
dant, experientia quotidiana erit consulenda: ex quo præro-  
gativam consensus a nobis commendati tum in Theoria tum  
Praxi Medica breviter indigitamus.

XVIII.

Ducit nos ordo præsentis tractationis ut consensum  
*Rheumaticorum* affectuum cum *Hæmorrhagiis* & *Plethora*  
commonstremus, & hac ratione indicemus, quod affectus  
illi motibus & *moliminibus hæmorrhagicis* accenseri debe-  
ant: & ita ex *Historia* Rheumatismi fluit, quod subjecta  
communiter *plethorica* corripiat, quod sequatur *hæmorrha-*  
*gias* vel cessantes, vel impeditius erumpentes, vel insuffici-  
enter fluentes, vel perturbatas, quod concurret cum aliis  
*commotionibus* hæmorrhagicis, quod sese cum repentina &  
pertinaci humorum *congestione*, indeque contingente ho-  
rum *stagnatione* exserat, unde tensio, pressio, calor, ardor,  
imo tumor ortum trahunt: quod *plethoram* immoderatus  
*commotam* excipiat, & similitudinem cum illis simpliciori-  
bus effectibus habeat, quales è commotionibus fortiori-  
bus corporis in subjectis *sanguineo-plethoricis* occurrere  
solent, quod ex reliquis illis causis & *occasionibus* provocari  
so-



soleat, quæ ad plethoram *exagitandam* satisfaciunt, quod post hæmorrhagias debite *redeuntes* & succedentes aut *artificiales* sanguinis exonerationes & secure & efficaciter mitigetur, quod hæmorrhagiis *contumaciis* subsistentibus impetuosius etiam supervenire soleat, quod etiam circa invasiones locorum & *regionum* discrepet, uti hæmorrhagiæ per *ætates* differunt, ita ut Rhevmatismi in *junioribus* subjectis *superiora*, in *adultioribus inferiora* loca, qualem ordinem hæmorrhagiæ servant, invehant & aggrediantur: & hæ sunt principaliores circumstantiæ ex quibus *Rhevmatismi* consensum cum *Hæmorrhagiis* & *Plethora* commonstramus, eundemque *congestoriis* moliminibus hæmorrhagici annumeramus. Posito itaque hoc fundamento, facile colligere est, quo fundamento nitatur hujus affectus vera & *rationabilis* methodus medendi, unde etiam animus avertitur à nudis materiæ accusationibus & tantarum qualitatum materialium figmentis atque vanis earundem alterationibus & *correctionibus*. Quod ipsum, uti de Rhevmatismo valet, ita ad *Febrem Rhevmaticam* dextrè & prudenter applicandum est: quanquam hæc febris non aliter occupare solet, nisi ad certum locum *copiosior* humor vehementius advehatur & congeratur, adeoque *sensus* doloris *exquisitior* excitetur aut *stagnatio* latior & *diffusior* generetur, ut proinde inflammatorii quid conjungatur, quod schema magis de *phlegmonodea* aut *erysipelatodea* quam apostematodea indole est: minime tamen absolute ab hujus febrilis commotionis concursu primum, simplex atque verum rhevmatismorum fundamentum discernendum est.

XIX.

Disponunt præterea tales *congestionis*, de quibus nobis huc usque sermo fuit, quarum prima simplex destinatio *emotionem* superflui sanguinis concernebat, ad singulares & *luxuriosas* quasdam *concretiones*, velut sunt *membranaceæ*, *verrucose* & *fungose*, quales sunt pelliculæ oculis accrescentes, verrucæ sangviferæ rubentes, sarcomata, deformes



protuberantiæ, carneso-fungoso-vasculosæ, nares genas & confinia aurium occupantes, polypi tam in naribus, quam corde prodeuntes: quales epigeneses aliquo modo *offensæ* læsæ vel proritatæ, mox in *prodigas* sanguinis profusiones degenerant, vel *inflammatoriis*, pertinacissimis commotionibus urgentur, ut mox *cacoethea* corruptio vel cancroso vel sphaceloso vel fistuloso vel alia maligna accidat, cui difficulter dein resistere licet, quia perpetuus & pertinax humorum *affluxus* aut consveta *congestio* sufficientem affecti loci mundificationem, & inquinamenti atque incitamenti illius suspecti extirpationem, impedit & retardat, malum vero semel introductum magis sustentat, fovet & promovet: quod imprimis valet de illis protuberantiis, quæ *externis* artificiis subjacent, ubi sæpe videre licet, quam parva initia in ejusmodi excrecentiis, de sanguinis *congestione* adhuc participantibus, maximorum damnorum cum detrimento vitæ aliquando exeuntium origines existant aut *consensum* suum cum iisdem exhibeant. Ex eodem fundamento patet etiam ratio & consideratio, quomodo diversis superficialibus, aut etiam internis corruptionibus *ulcerosis*, opportuna & dextræ *missiones* sanguinis proficiant, licet *directe* ad ulceris emendationem & consolidationem nihil conferant, *remotive* vero succurrant, dum *affluxus* & congestiones sanguinis præoccupant, ne ulceratio exacerbetur: inde ex principiis sanæ rationis & solidæ experientiæ colligere licet, quæ Venæ Sectio *perita* in phthisi & hectica non exiguum interdum emolumentum, afferat, & quam iniquæ atque effœminatæ sint illæ formulæ, quasi sanguis pro phthificis & hecticis aliunde mercede conduci debeat. Meretur hoc loco notari quod *Rhases* observavit & allegavit, dum dicit, *erat in capite & facie cujusdam tinea rufa, supra quam suspendi feci sanguisugam & sanata fuit penitus: confet. Zacutus Lestanus Med. Princ. Hist. Lib. I. Hist. IV. cum observationibus.*

XX.

Ejusmodi animadversionis & sollicitæ disquisitionis spe-



specimen est, quando *evacuationes sanguinis* sive artificiales sive spontaneas aut *omissas* aut *suppressas* non modo interdum internæ, sed & aliquando externæ *ulcerationes* excipiunt, quas propterea in hunc solennem morborum *consensum* & consecutionem ducimus: quando v.g. post narium hæmorrhagias, ozæna aut ulcera colli, ex glandulis tumefactis, aut tonsillis suppuratis vel parotidibus inflammatis & maturatis: post hæmoptysin, phthisis, aut ex moliminibus hæmoptycis ulcus pulmonum, post mensium & hæmorrhoidum suppressionem hectica cum interno abscessu stipitata (& quæ adhuc rariores observationes allegari possent) oriuntur: imprimis verò quando post mensium turbas, imminutiones aut suppressiones, ulcera in pedibus emergunt; in quo phænomeno vulgo sanguinis *dyscrasia* accusari solet, de qua vero, mirari licet, cur demum in *crassas externas* partes, & non potius in *interiores teneriores* operari debeat, & multo sane acumine demonstrandum erit, an in externis partibus lateant illæ tendiculæ, quibus sese implicare debeat illa suspecta cacosis: nos potius bona fide asseveramus, quod ejusmodi ulcera *nitantur*, suppressis Mensibus, neque citius & securius curari queant, nisi restitutis Mensibus, alias si unum ulcus ogglutinatur, alterum mox iterum erumpit, & sic cura sese prolongabit, ut ajunt in infinitum: deducimus itaque ex ratione & experientia convicti & confirmati ejusmodi ulcerationes, à *particularibus* illis humorum *translationibus*, & congestoriis commotionibus, per inferiores alias regiones *exitum* quærentibus & urgentibus, atque *insolito* plane modo & loco menses prosequentibus (de qua re conferantur Scriptores *insolitas* mensium *vias* & *species* recensentes) evenit vero sub ejusmodi particularibus translationibus ut per *accidens* tales effectus atque eventus emergant, uti in superioribus de secessionibus serosis ex moliminibus hæmorrhagicis provenientibus dictum fuit, quales exitus *serosi* loco *sanguineorum* assumuntur, tractantur & conservantur: *Æquale* notatu dignum exemplar occur-



currit in hæmorrhoidibus *serpiginosis*, pustulosis, *ulcerascentibus* è motibus hæmorrhoidalibus genitis, nunc vero in tali excretionis specie subsistentibus & satis diu cum multa molestia & anomalico motuum hæmorrhoidalium successu subjecta sua detinentibus. Quæ phænomena vero cum apparatus hæmorrhagicis & plethora connectimus, & ad hanc connexionem medicam tractationem applicamus: ita eveniet, ut *revocatis* vel mensibus vel hæmorrhoidali fluxu subalterni illi effectus multum remittant, aut penitus cessent: quale quid contra sperare non licebit, quam diu concurrentes motus hæmorrhagici plethoræ ventilationi dicati non recte ordinantur, aut condigne promoven-  
tur.

XXI.

In hunc consensum morborum ducimus porro *Spasmos* & de iisdem affirmamus, quod sint acerbiora, intensiora & impatientiora *molimina hæmorrhagica* quam assertionem inter multas alias, sequentes & ex ipsa genuina horum affectuum Historia profluentes circumstantiæ comprobant: eveniunt enim Spasmi subjectis non modo ad *generandam* plethoram perquam habilibus quæ vulgo *sanguinei* Temperamenti esse dicuntur & observantur, sed & illis quibus communissime *plethora* evidens præsto est: deinde corripiunt homines, qui cum multiplicibus internis & externis causis præsentem suam plethoram afficiunt, *commovent* & impellunt, quo animi patheticas commotiones, & diætæ atque regiminis irregularitates referimus: *antecedunt* porro spasmos vel actuales *hæmorrhagiæ*, imprimis narium, mensium aut hæmorrhoidum, (non exclusis adsvetis *artificialibus* sanguinis subtractionibus, quæ vero iterum omissæ fuerant,) vel *molimina hæmorrhagica, congestoria*, quæ tandem & cum mora in *perfectos* spasmos erumpunt: *levantur* ipsi per hæmorrhagias debitas tempestivè *recurrentes*, aut iustas alias *ventilationes* sanguinis; *exacerbantur* vero per illa regimina & medicamina, quæ *plethoram* afficiunt & *commovent*, ut & quæ hæmorrhagias magis deobstruunt & per-  
tur-



turbant: variant itidem spasmi per *etates*, & id quidem cōmunius (ni specialissimæ, rariores & ex hæreditate fluentes causæ intercedant:) adeoque hanc circumstantiam cum *hæmorrhagiis* & *congestionibus* communem habent, siquidem *superiorum* partium spasmi, *juniore* periodos, *inferiorum* vero, *adultiores* invadunt: degenerant denique spasmi in *consuetudinem*, uti hæmorrhagiæ & congestoriæ commotiones solent: Quemadmodum itaque juxta simplicem Historiam *spasmodici* affectus cum *plethora*, *hæmorrhagiis* & *congestionibus* consentiunt, ita ratio sana hunc consensum eo magis obfirmat: enim vero ad *imminuendam* molestam & suspectam sanguinis abundantiam requiruntur *congruæ* congestiones sanguinis ad apta loca excretoria, ut per eadem sanguis copiosius collectus, nunc etiam superficiales partes turgesfaciens, erumpat: quotiescunque vero & qualitercunque hæc eruptio *impeditur*, eo magis necesse est, ut *augentur* motus, quales pro hoc negotio idonei sunt *congestorii*, inde oriuntur acerbiores, sensibiliores & manifestiores congestiones: quo magis vero hoc impedimentum *increbescit*, & aliæ offensiones superveniunt, eo magis adhuc illi motus, quibus congestiones formantur, quales sunt *Tonici*, *augentur*; quale augmentum proinde in actuales *spasmos* transit.

§.XXII.

Adeoque cum prioribus *fundamentalibus* affectibus consentiunt, Arthritis, quæ ad anotericas hæmorrhagias respicit, Malum Ischiadicum, Nephritis spastica simplicior, gonagra, podagra, colica, (ubi imprimis de *hæmorrhoidali* loquimur) malum hypochondriacum, quæ singula pathemata ad hæmorrhoidalem fluxum contendunt: quin dantur etiam *convulsivi* motus, qui in *summo* Toni augmento consistunt, quippe qui cum plenitudine sanguinis interdum cohererent; quo loco præcipuè notamus convulsivas illas Mensium promotiones, quarum in Disputatione citata D.D. *Præfatis de Mensum Anomaliis convulsivis* mentio facta fuit, omis-  
sis rarioribus observationibus: & quemadmodum plenitudo



sanguinis, *spissitudinem* ejusdem causari solet, ita interdum *convulsivi* motus superveniunt, *attenuationem*, promotionem & emotionem sanguinis simul concernentes, quale exemplum Epilepsiæ ob spissitudinem sanguinis allegat *Illustris Stablius in Pathologia sua*. Non minus cum abundantia sanguinis & hæmorrhagiis consentiunt *Deliria*, sive phrenitis sive Melancholia, sive Mania, quorum complicatio cum *suppressis* iterumque *molientibus* hæmorrhagiis atque immanibus translationibus intra caput, diversis imo multiplicibus exemplis & observationibus practicis ab attentis Medicis recensetur; quare *Hippocrates de Judicationibus* §. 10. text. 9. dicit: *ατράβηλται τοῖς μελαγχολικοῖς cum phrenitide occupatis, si hæmorrhoides oboriantur, bonum est: conf. Sect. VI. aph. 11. & aph. 21. in maniacis supervenientibus varicibus aut hæmorrhoidibus, insanie solutio fit*: Conferatur Historia quam *Galenus* allegat *Lib. 3. de hum. com. 26.* & quam *Zacut. Lusitanus* exponit *Med. Princ. Hist. Lib. 1. Hist. 39. De Melancholia ex suppressis hæmorrhoidibus orta, annua evacuatione curata*. Neque certo respectu ab hoc consensu separamus affectus *soporosos*, qui interdum ex ejusmodi *congestionibus* contumacioribus intra caput ortum traxerunt, unde vel inflammatorii & suppuratorii denique Lethargici effectus supervenerunt, vel actuales cerebri *corruptiones*, aut *varicosæ* oppletiones vasorum sanguiferorum, vel *secessiones* pituitosæ intra cerebri cavitates sive ventriculos, ut reliqui soporosi affectus accesserint: ubi tamen iterum monemus & præoccupamus, quod videlicet non *perpetuo* soporosi affectus de hoc consensu participant; propterea vero ex hoc consensu non *absolute* excludendi sunt, quin eundem illustrare & commendare adjuvent.

XXIII.

Notamus hoc ordine consensum illum plane *paradoxum* sed sane *endoxum*, inter vitia motuum *defectiva* & plethoram, hæmorrhagias & molimina hæmorrhagica: ex ejusmodi vero motuum defectibus seligimus *Apoplexiam*



*xiam*, quæ sanguinea audit, & *Paralyfin*: illa enim pro-  
ut simplicior *historicus* conspectus exhibet, evenit  
subjectis *eminenter* ut plurimum plethoricis, & adhuc  
in ejusmodi vitæ genere degentibus in quo partim ob  
*plenam* diætam, partim ob multam *sedentariam* vitam san-  
guis magis *augetur*; proinde obtingit illis, quæ antehac  
*hæmorrhagias* spontaneas sive artificiales sanguinis immi-  
nutiones subierunt, sed easdem iterum amiserunt,  
vel omiserunt; quæ continuatas *congestion*es sanguinis  
intra caput experiuntur, quæ ejusmodi causis ad commo-  
tionem plethoræ & promotionem moliminum hæmor-  
rhagicorum disponentibus, frequentius se submitunt,  
quæ tam diu à quibuslibet congestoriis commotionibus  
& metu apoplexiæ immunia fuerunt, quam diu sanguinis  
depletiones convenientes successerunt; quibus singulis  
collectis per rationem sanam concludimus, quod apo-  
plexia talis, sit consuetarium prægressæ *contumacioris* con-  
gestionis sanguinis in *interiorem* regionem capitis, nimi-  
rum intra cerebrum, ad scopum *evacuationis* sanguinæ  
promovendæ, directæ aut collineantis, quæ congestio  
vero loco simplicioris sui effectus, per accidens in disru-  
ptionem teneriorum vasculorum sanguiferorum delabitur,  
ut facta *extravasatione* & profusione sanguinis intra cere-  
brum, hæc motuum & sensuum abolitio superveniat:  
quo ordine itaque apoplexia cum plethora, hæmorrhagiis  
& moliminibus hæmorrhagicis consentit. Non minor  
consensus occurrit inter *Paralyfin* & prædictos fundamen-  
tales affectus; quando videlicet per *frequentiores* con-  
gestion



loco hucusque affecto motus potius omittantur, absque ulla nervorum obstructione, & influxus Spirituum interceptione, quas phantasias otiosis ingeniis relinquimus: juxta hanc enim nostram animadversionem ipsa *Historia practica* consentit, dum inter reliquas paralyseos invasiones, etiam præsentia *plethoræ* in subjecto, dispositio & prægressa adsuëfactio ad *hæmorrhagias*, prægressæ *congestio* & *spasmodicæ* commotiones observari possunt:

§. XXIV.

Ad hunc morborum consensum recte describendum pertinet porro *Inflammatiō*, quæ quantum cum *plethora*, cum *hæmorrhagiis* & moliminibus hæmorrhagicis consentiat, ipsa *Historia Inflammationis* edocet: observantur vero inflammationibus corripī subjecta plurimum de *copioso* sanguine participantia, ubi vero minime *nuda* plenitudo accusanda est, alias plethorici homines, *indiscretim* & omni tempore inflammationibus corripī deberent, quia abundantia illa omni tempore obstructionibus introducendis *materialiter* satisfaceret, quod vero non fit; neque *spissus* tantum sanguis inflammationibus provocandis *satisfacit*, cum in *melancholicis* subjectis, *quotidiana* esse deberet inflammatio; quod tamen *historiæ medicæ* repugnat: unde quidem *plethoram* alio quam nude *physico* respectu cum Inflammatione consentire asserimus: disponit interea talis sanguinis abundantia ut *antecedens* causa ad futuras inflammationes: præcipue quidem in subjectis vel *hæmorrhagiis* antehac obnoxiiis, vel easdem adhuc licet *insufficienter*, suscipientibus vel in illas nimium propendentibus aut *artificialibus* sanguinis missionibus olim adsuëtis, ut plurimum vero adhuc talibus causis, occasionibus & regiminibus addictis, quæ ad *impellendam* *plethoram* & excitandam hæmorrhagiam contribuunt, quo præcipue referimus *consvetas congestiones*, quæ vinculum constituunt, per quod *inflammationes* cum *hæmorrhagiis* consentiunt; si itaque per motus tales congestorios *impetuosius* & fortius sanguis

ad



ad regionem aliquam advehitur: ut ex eadem efficacius ejiciatur, tunc ex *vehementi* illa & quasi repentina translatione & ingurgitatione contingit, ut sanguis in *stagnationem* diffusio-rem & profundio-rem aut plenariam *stasin* degeneret, sub quo statu, quia *ultima* calamitas magis *urget*, prior scopus promovendæ hæmorrhagiæ *amittitur*, & *alter* finis aquirendæ *resolutionis* & præoccupationis putridæ corruptionis metuendæ assumitur & promovetur, dum præsentibus hisce circumstantiis magis salutare & necessarium existit, quo *putredo* avertatur, quando per *accidens* subnata stagnatio aut stasis denuo inflammatoriis moribus referatur & dissolvitur.

§. XXV.

Exserunt sese ejusmodi *specimina* Consensuum inter *inflammationes* & *molimina hæmorrhagica*, quando in capite parotideū, tonsillarum, oculorum & aurium inflammationes, in febribus vero phrenitides & anginae oriuntur & memorabilis est historia quam allegat Zacut. *Lusit. loc. cit. nim. M. P. H. Lib. I. Hist. IV. Obs. 5. de phrenitide ex lochiis retentis, per hirudines internæ uteri parti applicatas, curata*: utpote quæ inflammationes, cum *narium hæmorrhagia* affinitatem suam habent; quare nares tempestive & sufficienter sanguinem fundentes, non modo congestiones capitis sanguineas sed & inflammationes præoccupant: quem nexum præterea habent angina, peripnevmonia, pleuritis cum hæmoptysi; aut inflammatio Lienis, Hepatis & Ventriculi cum Vomitu cruento, aut nephritis simplex, inflammatio intestinorum cum hæmorrhoidibus: modo experientia medica consulatur: ita facile liquebit consensus, quem nos notamus, & fundamentum nostræ deductionis eo magis fidum atque perspicuum erit. Meretur etiam hæc observatio historico-practica sollicite conciliari cum *symptomaticis* inflammationum originibus, quando v. g. *molimina hæmorrhagica* sine *congestoria*, sive *spastica*, sive *rheumatica*, per calidiora regimina & medicamina impelluntur & exacerbantur, ut tale schema



morbi mutetur in *actualem* inflammationem, quale quid contingit quando in congestionibus sangvineis pectus occupantibus adhibentur remedia volatilia, oleosa, concentrata, unde affectus & successus pleuritici, anginodei, peripneumoniaci excitantur, aut quando in doloribus lumbaribus aut congestionibus ad & circa renes transeuntibus ordi-  
nantur oleosa, juniperina, therebinthinata, succinata, anisata, aut salina volatilia, unde actuales renum inflammationes, suppurationes & ulcerationes oriuntur: vel quando in Colica hæmorrhoidali usurpantur calida & acria stomachica, flatibus dissipandis dicata, aut volatilia & spirituosas, unde non modo inflammatio sed & gangræna & sphacelus ortum trahunt: quo adjungimus parallelam illam observationem plane practicam & à speculatione admodum alienam, quando in subjectis plethoricis, junioribus, narium hæmorrhagiis vel adsvectis, vel ad easdem proclivibus, nunc acute febricitantibus ex *inopportuna* Venæ sectione, phrenitis, aut simpliciora deliria concitantur: quo documento iterum per aliam viam consensum inflammationum cum plethora, & moliminibus hæmorrhagicis commonstramus.

§. XXVI.

Quemadmodum hætenus multiplices morbos recensuimus, qui simplicem suum consensum significant, ita minime principalissimum & dignissimum Morbum oblivioni tradere, aut ejus harmoniam præterire placet, loquimur vero de *Febre*, quæ quantum, quoties & quando cum *plethora* & negotio hæmorrhagiarum conspiret, notabimus: inter alias vero febrium species imprimis duæ occurrunt, quæ *essentialiter*, simpliciter & primario cum *abundantia* sangvinis ejusque utili & consulta *imminutione* consentiunt; indigitamus hoc nomine *Ephemeram* & deinde *Synocham* simplicem, quam posteriorem propterea sangvineam appellare siveverunt: utraque vero sangvinis *quantitatem* abundantem & non illius *qualitatem* vitiosam & inquinatam



tam concernit, licet interdum prior harum febrium ex ejusmodi occasionibus provocetur, quæ cum nimia sanguinis quantitate consentire haud videntur: est vero harum febrium illa *genuina* & ingenua indoles, ut homines sanguine *abundantes* aggrediantur, & quidem iterum tales, qui ad *hæmorrhagias* vel proclives vel antehac adsvecti fuerant; non minus etiam illæ febres ejusmodi *impulsus* sequuntur, qui sanguini *commovendo*, turgefaciendo, & *hæmorrhagias* incitando satisfaciunt: præterea ordo, *tempus* & *methodus* harum febrium ita habilis deprehenditur, prout sanguinis *imminutioni* simplici modo quadrat, quemadmodum etiam eventus harum febrium nihil perturbati, sanguinis sinceram evacuationem per *hæmorrhagiam narium*, aut superflui sanguinis consumptionem atque conversionem in *serum*, hujusque copiosam excretionem per *sudorem* largum & facilem inferunt, ubique vero ad *plethoram* curandam & *ventilandam* respiciunt, ut per actuales sanguinis, qua talis, excretiones succedat, partim immutati sanguinis quantitas satis copiosa atque sufficiens eliminetur, & eo ipso simpliciter & directe harum febrium consensus cum plethora & hæmorrhagiarum negotio comprobetur: sicut etiam imprimis in posteriori harum febrium interdum evenit, ut propter symptoma *angine* concursantis hic *consensus* multiplicetur, ut non modo respectus plethoræ, & ejus imminutionis, nec non febris, sed & *inflammationis*, cum singulis reliquis circumstantiis conspirantis haberi debeat, in quantum hæc prægressam immoderatiorem congestionem sanguinis, ad superiores regiones, hæmorrhagiam anotericam concernentem, & ex eadem ortam repentinam & ominosam stagnationem aut stasim sanguinis, magis & usitatus vero stagnationem, excipit, atque ita hoc schemate, plurimas huc usque commendatas fundamentales considerationes, illustrat, & in majorem consensum ducit.



Præter has vero febrium species, consentiunt adhuc plures alii febrium decursus cum plethora & moliminibus hæmorrhagicis, unde antiquiores medici inter *Synocham* & *Synochum* distinxerunt, & per posteriorem intellexerunt febrem cujus objectum est *putredo*, aut sub bona interpretatione, putrefaciens materia, quæ qualitatem humorum afficit & inficit; deinde vero etiam *sanguis copiosus*, qualis in simpliciore febre *Synocha* ipsis dicta occurrit: Sermo itaque hoc loco nobis est de talibus febribus, quæ pro *primario* suo objecto, sanguinem in *qualitate* sua alteratum & vitiosum habent, pro *secundario* vero *superfluum* & reliquo principaliori febris scopo & progressui incommodum & præjudiciosum, *quantitate* nimirum peccantem, sanguinem agnoscunt: unde etiam contingit, ut quia nimia quantitas sanguinis reliquo augmento motus progressivi & promptiori secessioni, atque coctioni materiæ in *qualitate* peccantis, perquam obesse solet, sub hac etiam febre vires & motus eo applicentur, quo unà plethora *imminuatur*: aut contingit, ut nunc sub *principalioris* effectus febrilis *prosecutione*, *plethora* quæ tam diu oneri fuit, uno eodem actu, una eademque communione, una eademque extraordinaria activitate, imminuatur: adeoque febris talis respectu *finium* ut *complicata*, non modo compareat, sed etiam revera existat: absolvitur vero talis duplicata finium prosecutio, ut sub reliquo febris decursu, ad certas regiones, singulares quædam *congestoriæ* restrictiones satis efficaces, strenuæ & *immoderate* suboriantur, & per illas immediata & *sinceri* sanguinis *exoneratio* urgeatur, quas vero congestiones, juxta superius traditum consensum, interdum *inflammationes*, aut incongruæ *secessiones* in partes nobiles, excipiunt, ut proinde phrenitici, soporosi, aphtodei & anginodei effectus conjungantur: deinde etiam alia methodo superflui sanguinis præsentia tractatur, ut nimirum auctiores iam motus, tam progres-

sivus



sivus quam tonicus, magis *augeantur*, quo ex parte augmentum eorundem motuum satisfaciat *principaliori* scopo febris, ex parte etiam residuum augmentum sufficiat, pro altero *secundario* fine, nimirum *resolutione* & conversione sanguinis in *serum*, quo correspondens excretio *diaphoretica* & *diuretica* debite subordinari queat: ob id evenit ut plethorici, ita febricitantes, *intensius* æstuent, *magis* sitiant, majori oppletorio sensu laborent, *magisque sudent*: ex quo etiam harum febrium consensum secundarium & *symptomaticum* cum plethora, hæmorrhagiis & congestionibus demonstramus.

§. XXVIII.

Sicut porro nimia sanguinis abundantia sive plethora futuram sanguinis *spissitudinem* causari potest & solet, ut superius monuimus, ita omnia hæc pathemata, quæ hoc ordine crassitie sanguinis nituntur, cum *plethora* denuo evidentem *consensum* tenent & conservant, quid quod proinde in diversis morborum speciebus sanguinis immobilior consistentia adest, molimina hæmorrhagica non raro concurrunt, ut imminuta superflua & molesta quantitate sanguinis, reliqua spissitudo facilius, quantum quidem à viribus naturæ sperari potest, emendari queat; cum contra præsentem illam *plenitudinem*, sanguis magis in hac sua consistentia foveatur, partim ob insufficientem sanguinis *commotionem*, partim ob viarum incommodam *oppletionem*, uti supra dictum: observantur itaque, quantum ipsa historia medica indicat, subjecta illa *spissum* sanguinem continentia, communiter etiam *plethorica*, tam ex præcedenti vitæ genere, regimine & diætâ, quam ex diversis conspicuis phænomenis: producimus inter alias talium morborum species, affectionem *hypochondriacam*, quæ ex plena diætâ, aut simul crassis alimentis & sedentaria vita orta est; prout vero crassities sanguinis ex nimia ejus quantitate origines suas interdum recipit, ita plethora tanquam mater

F. &



& nutrix hujus spissitudinis consensum hunc quem allegamus, satis comprobatur, licet nobis non animus sit, hoc loco exponere, quomodo superfluous sanguis ad spissitudinem ejus contribuat: illud vero tantum hac occasione annectimus, quomodo frequentius, hæc *hypochondriaca* passio ad *hæmorrhoidales* ventilationes & eruptiones tendat, quin etiam per hasce eximie levetur, & mitigetur, uti Dissertatio D. D. Præsidis de *Hæmorrhoidibus medicina hypochondriacorum*, latius explicat: quo magis contra in eodem affectu non modo sanguis augetur, sed & necessaria, sufficiens & tempestiva ventilatio sanguinis sive spontanea sive artificialis cohibetur & negligitur, eo magis talis affectus fovetur, confirmatur & exacerbatur: per hanc spissitudinem sanguinis vero consentiunt cum fundamentalibus nostris considerationibus diversi alii affectus, nimirum *Se. & Excretionum* ordinariarum difficiliore succensus, alvi obstructions, flatulentia, certo respectu Iliaca passio, infarctus scirrhi Hepatis & Splenis, vertigo, angustia præcordiorum, palpitation cordis, constans languor in viribus, Spasmi in diversis corporis regionibus, de quibus supra actum fuit; quæ singulæ afflictiones etiam ex hoc capite & consideratione cum plenitudine sanguinis & motibus hæmorrhagicis simplici modo consentiunt.

## §. XXIX

Demonstravimus itaque consensum vitiosæ humorum qualitatis cum vitiosa quantitate in specimine spissitudinis sanguinis; sed superest adhuc notatu dignus consensus inter affectus diversos *serosos*, *biliosos* & *plethoram* atque negotium *hæmorrhagicum*: quotiescunque enim Cachexia oedemata, hydrops, Icterus & foeminarum chlorosis ex *suppressis hæmorrhagiis*, aut moliminibus hæmorrhagicis *anomalice* decurrentibus vel perturbatis oriatur, docet quotidiana experientia; sed ut paulo clarius hunc consensum indicemus, ex historia medica commemorare debemus, quam sæpe



sæpe ex *moliminibus hæmorrhoidalibus* aut *mensibus* irregularibus, & impeditius succedentibus vel ex hæmorrhoidibus & mensibus imminutis, suppressis aut perturbatis, prædicti affectus generentur, ut ex insolita sanguinis coervatione, & diversa humorum restrictione, regurgitatione, atque detentione *organa secretoria*, imprimis glandulosa, graviter offendantur, videlicet *oppleantur*, distendantur, relaxentur, infarciantur, *deobstruantur*, & ad futuros usus colatorios inepta reddantur, ut *serum* diutius retentum, laudabilem, pinguem & gelatinosam *lympham* invadat, ejusque volubilitatem & mobilitatem alteret, consistentiam *spissiore* eidem inducat, & futuris partium eliquationibus, *remollitionibus*, organorum colatoriorum majoribus *oppletionibus*, secretionum impedimentis, vasorum lymphaticorum *dilacerationibus* & lymphæ à sero inquinatæ *extravasationibus* uberiores occasionem præbeat: contra vero evenit in historia practica ut *progressus* prædictorum morborum *tempestivo* hæmorrhagiarum talium *reditu* eximie intercipiatur: loquimur vero de tempestivo tali recurso, quoniam affectibus illis iam radicatis & *confirmatis* serius supervenientes tales excretiones nihil utilitatis conferunt, quod nimirum ad *plenariam* restitutionem contribuere possit. Deinde ex experientia simplici & ingenua abunde constat, quantum adsuefactæ *artificiales* sanguinis depletiones, subito neglectæ & omissæ ad *initia* & futuros *progressus* talium morborum contribuant: imo constat quoties *molimina* hæmorrhoidalia in hypochondriis tantum comminantia, aut hypochondriaca pathemata vel sponte vel per mala artificia & regimina perturbata, *ictericas* consecutiones excitaverint: cum itaque motus hæmorrhoidales, menstrui, hypochondriaci & similes, juxta præmissas nostras declarationes, cum sanguinis abundantia conversentur, ejusque imminutionem respiciant, ita prædictorum consequentium



affectuum consensum cum plethora, & negotio hæmorrhagico stabilimus & commendamus.

§. XXX.

Secorsim adhuc reminiscimur singularis illius consensus, qui inter *plethoram*, motus hæmorrhagicos & abortus intercedit, ubi non opus est multis parallelis exemplis ex suffragiis practicorum commonstrare, quoties plethora illa & adfuetudo ad liberales & copiosas purgationes menstruas, abortum provocaverit, illud tantum è praxi medica pen-  
sitationi commendamus, quæ & quam sæpe cum multo simplici & directo fructu *artificiales* sanguinis imminutiones abortum præoccupaverint: ut propterea solertes observatores permoti fuerint, seposita speculatione & credulitate de *vivificante* sanguinis qualitate, tanquam singulare & admirandum phænomenon practicum, interceptionem abortus cum *Venæ Sectione*, bis, ter, quater, quinquies, susceptam & feliciter obtentam, recensere & commendare, quid quod *Venæ Sectionem* in gravidis *innoxiam* prædicare, atque de *Hippocratis* asserto, quo Venæ Sectioni in gravidis abortum provocantem qualitatem *Secl. 5. aph. 31.* adscribit; & *Donat. ab Altomar. lib. de uter. ger. c. 4.* traditione, quod Venæ Sectio abortum non provocet, sed promoveat, quam *Primerosius de Morb. mulier. Lib. 4. c. 2.* revellit, dubitare Sicut vero juxta nostram mentem hoc non dictum *de omni* est, nimirum quasi omnem abortum Venæ Sectio avertere debeat, ita non dictum est *de nullo*: sed sæpe veritatem nostræ declarationis attenta experientia commonstrat: conferatur *Diff. Excellent. D. D. Stahlî de Abortu & Fœtu mortuo.* Illud itaque ex historia medica innumeris documentis fluit, quam facile *plethorica* semellæ abortui non modo exponantur, sed & ad statarias, exquisitas sive *periodicas* abortuum recursiones disponantur: quo adhuc referimus illam circumstantiam, quæ communiter abortum comitari solet, nimirum *prodigum fluxum uterinum*



num cum multis *immoderatis* commotionibus conjunctum, & præter immaturi foetus expulsionem commissam, *plethoram* strenue exonerantem. Ex quibus considerationibus ad Historiam Medico Practicam spectantibus explicamus & defendimus *abortuum* consensum cum *plethora* & negotio *hæmorrhagiarum*, quanquam *unius* rei, & ita etiam abortus, *plures* esse possint causæ: illud tantum hoc loco significamus, quod sæpe abortus ab hac commemorata causa provocentur, quo proinde in Medicina Practica sæpe attentus animus applicandus est.

§. XXXI.

Memorabilis est illa connexio inter *hæmorrhoidum* suppressionem & *febrem quartanam* occurrans, quam observatores recensent, sed tantum *consecutionem* horum affectuum respiciunt, qualis historia commemoratur in *A. N. C. Dec. I. an. III. obs. 331.* nos potius in illa consecutione etiam *connexionem* annotamus, quando retentus superfluous sanguis non magis viscera abdominis copiosius obruit, sed & sub diversa peculiari restrictione *congestoria* eadem infarcit, & obstruit, ut propterea *febris* superveniens *reserationi* horum viscerum intenta cum *abundantia* sanguinis præter modum & consuetudinem retenta, & nihil amplius ventilata, organa colatoria obruente & opplente, quin sub diversis congestoriis commotionibus affligente consentiat, atque ita iterato hic consensus inter *plethoram* & negotium hæmorrhagicum cum specialissimo hoc febrili affectu pateat: quod brevibus adhuc tanquam ex superfluo in singulari tali consecutione notare placuit. E simili fundamento deduci & explicari possunt aliæ fonticæ & singulares morborum consecutiones & connexiones, ut Polypi cordis, verrucarum hæmorrhoidalium, alvi contumacissimarum obstructionum, palpitationis cordis, asthmatum, flatulentiae contumacissimæ, vomituum spontaneorum pertinacissimorum, pathematum hypochondriacorum, mali splenetici, passionis Iliacæ, affectu-



um serpiginosorum ex hæmorrhoidibus perturbatis aut obstructis: aut scabiei, phthiſeos, hecticæ Icteri, atrophix, ſpasmorum miraculoſorum, & intumeſcentiarum ſuperficialium ex menſibus turbatis & impeditis, quarum notabilium conſecutionum conſtitutio ſimili *conſenſu*, quem hucusque expoſuimus nititur.

§. XXXII.

Recordamur adhuc diverſorum ſymptomatum in ſe alias admodum complicatorum & abſtruſorum è præſenti vero noſtra conſideratione *Conſenſus morborum* quoad cauſalẽ cognitionem facile explicandorum & illuſtrandorum. Loquimur de diverſis *Gravidarum* afflictionibus, imprimis *ventriculum hypochondria* & loca *hæmorrhoidalia* attingentibus, & cardiſgiis frequentibus, conatibus vomendi, actualibus vomitibus, aut anguſtationibus hypochondriorum, ſpaſticis tractionibus atque tenſionibus, ardoribus & protuberantiis in partibus hæmorrhoidalibus, doloribus ſpaſmodicis in femoribus, lumbis & coxendicum regionibus, (quo etiam rheumatico-arthritica pathemata referimus,) ſeſe prodentibus: accedunt vero præter hæc adhuc diverſa alia, videlicet cephalalgica & fluxum Menſtruum alias comitantia mala, ut tenſiones ſtrictoriæ, ſpaſmodicæ, tenſoriæ, gravativæ, anguſtatoriæ in regione hypogaſtrica ſuccedentes, non excluſis actualibus hæmorrhagiis uterinis, ante partum aliquando infeſtantibus: quanquam vero hoc loco noſtra intentio non ſit, quælibet gravidarum ſymptomata commemorare, eademque *omnia* ac *ſingula* in hunc præſentem cenſum ac *conſenſum* ducere, tamen de his, quorum impræſentiarum mentionem fecimus aſſerimus, quod ad præſentem *conſenſum* pertineant, ita quidem, ut *plethora*, quæ gravidis valde *familiaris* exiſtit, nitantur, & in diverſis *contentionibus* excretoriis & abundantiam ſanguinis *imminutoriis*, aut congeſtioriis & ſpaſmodicis moliminibus conſiſtant; unde eadem pathemata femellis evidenter *plethoricis* familiaria depre-



prehenduntur, maxime vero illis, quæ vel ob animi pathemata, vel diætæ & regiminis vitia, suæ plethoræ multiplicem commotionem experiuntur, quæ eandem plethoram pleniori diætâ magis accumulânt, & antehac copiosioribus mensium purgationibus adsuætæ fuerant: unde ex suffragio experientiæ innumeris exemplis & documentis innotuit, quomodo *Venæ Sectio* opportuna, repetita & moderata non modo in genere *gravidis* proficiat, sed seorsim hæc pathemata præoccupet & mitiget: qua ipsa animadversione brevibus notamus, quod hæc gravidarum symptomata cum *plethora*, & negotio *hæmorrhagiarum* sincere & simpliciter consentiant,

§. XXXIII.

Quanquam hætenus diversorum morborum verum & simplicem consensum monstraverimus, certe minime negamus, quod tractatio de *harmonia morborum* adhuc copiosis documentis & speciminibus continuari & commendari posset: sed quoniam in hoc præsentî proposito brevitati studere & *Specimen* hujus negotii sistere animus fuerat, non placet pluribus inhærere: illud vero adhuc annectimus, quod consensus diversorum intricatorum *symptomatum* cum ipso morbo ex hoc nostro suppeditato specimine & *fundamento* enodari & explicari queat, quando v. g. in phthisi per certa intervalla urgent orgasticæ commotiones sanguinis, ardores in vasibus sanguiferis, majores angustationes, tam in pectore quam in reliquo corporis habitu, intensiores febriles commotiones, foetidæ expirationes, virium majores jacturæ, expectorationes magis coloratæ, aut cum striis cruentis refertæ, vel sensationes dolorificæ, tensoriæ & lancinatoriæ in pectore &c. sicuti in aliis affectibus hectica nimirum, hydrope, asthmate, talia *insolita* pathemata plane *extraordinaria* concurrere solent, quorum connexio cum morbo *primario* satis evidens deprehenditur, si indolem plethoræ & moliminum hæmorrhagicorum atque consectoriorum ex ejusmodi motu hæmorrhagico pendentium,

con-



condignè intelligimus atque applicamus, ut necesse non sit alias obscuriores causales deductiones, excogitare atque obtrudere: qua propter præsentì themate commendatus consensus sese ad symptomata multiplicia, uti sparsim demonstravimus extendit. Quantæ vero utilitatis sit hæc tractatio ad *Medicinam practicam*, certe ipsa experientia testatur & promereret hæc consideratio peculiarem disquisitionem & applicationem ad usum practicum, de quo hoc tantum loco illud affirmamus, quod eximius sit & ingenuus, dum in uno quoque morbo veram *originem* & legitimam sui *successus* rationem comprehendimus atque ita animum ad veram morbi cujusdam *causam* applicare discimus, ne aliam causam ex opinione magis & imaginatione, quam ipsa re & veritate aggrediamur, atque ita male intellecto morbo, male curemus; proinde vera cognitio hujus consensus inter morbos obvii, obfirmat animum medici, quo minus ad aliena trahatur & inconstanter, fugitivè & dubiè res suas exerceat, sed à suspecta indicationum & indicatorum multiplicatione sedulo absteineat: in omni vero hac practica applicatione ordinatè & methodicè procedat, contra vero crassas & plebejas conclusiones & subsumptiones eviitet. Fatemur equidem quod de hoc negotio multa adhuc dicenda sint, spatium vero & terminus hîc abrumpere cogit, imprimis cum propositum nostrum ad plura se non extendat, qua propter in præsentibus hisce consensus morborum commendationibus acquiescimus: Deum interim rogamus ut hujus præsentis medicæ tractationis utilitatem gratia sua confirmet & promoveat, quo veritas magis magisque elucescat & opinio atque conjectura magis evilescat: cui benignissimo & summo rerum directori devotissimas grates persolvimus, quod ad præsentis Thematis explicationem & commendationem vires & intellectum suppeditaverit & cui omnes nostras intentiones & contentiones perpetuo consecramus.